

## PREDGOVOR DRUGOM IZDANJU

U nastojanju da olakša studentima Pravnog fakulteta izučavanje svih predmeta koji su konstituirani Nastavnim planom, Univerzitet u Sarajevu je 1968. godine izdao kao skripta /I izdanje/ moje djelo "Krivično procesno pravo" u tiražu od 500 primjeraka. U taj, sažeto izloženi, sistem ušle su i velike novele iz 1967. godine, tako da su studenti uz uporedno proučavanje za konskih tekstova krivičnog postupka, mogli ovladati pozitivnim sistemom krivičnog postupka, shvatiti njihov sadržaj i smisao i uvoditi se u samostalno rješavanje procesnih situacija.

Medjutim, to prvo izdanje je odavno nestalo iz opticaja, jer je potražnja bila veoma velika, tako da danas i redovni i vanredni studenti prava, a njih je veliki broj /u Sarajevu, Odjeljenju u Mostaru i Centru u Banjaluci/ nemaju adekvatne udžbeničke literature za ovaj predmet.

S obzirom da poslije 1968. godine nije bilo bitnijih izmjena Zakonika o krivičnom postupku, Pravni fakultet je 1972. godine predložio izdavanje II izdanja kao prioritetno. Zahvaljujući Fondu za izdavačku djelatnost Univerziteta na razumijevanju potrebe hitnog štampanja ovog II izdanja, izražavam uvjerenje da će i ono mnogo olakšati studentima da u redovnom roku savladaju ovu važnu pravnu materiju.

Sarajevo, 12. januara 1973. g.

Prof. dr. Mihajlo Ilić